



NEWSLETTER BR. 47

JANUAR 2019

SADRŽAJ

FIPA AKTIVNOSTI ≡

- » PREDSTAVNIK MITSUBISHI UFJ RESEARCH AND CONSULTING CO LTD IZ JAPANA U POSJETI FIPA-I
- » NOVOIMENOVANI AMBASADOR POLJSKE U BIH POSJETIO FIPA-U

FIPA POSLOVNE VIJESTI ≡

- » CONFINDUSTRIA CONNEXT - PRVI SUSRETI INDUSTRIJSKOG PARTNERSTVA, MILANO 7-8 FEBRUAR
- » ZA DEVET MJESECI 668,6 MILIONA KM STRANIH INVESTICIJA U BIH

FIPA AKTIVNOSTI ≡



PREDSTAVNIK MITSUBISHI UFJ RESEARCH AND CONSULTING CO LTD IZ JAPAN U POSJETI FIPA-I



NOVOIMENOVANI AMBASADOR
POLJSKE U BIH POSJETIO FIPA-U ≡





PREDSTAVNIK MITSUBISHI UFJ RESEARCH AND CONSULTING CO LTD IZ JAPANA U POSJETI FIPA-I



Ministarstvo ekonomije i industrije Japana po odluci Vlade Japana finansira studijski projekat istraživanja mogućnosti za ulaganje u regiji zapadnog Balkana za potrebe japanskih investitora, u okviru kojeg je predstavnik Mitsubishi UFJ Research and Consulting Co Ltd iz Japana Shin Egishi posjetio Agenciju za unapređenje stranih investicija BiH (FIPA) kako bi dobio detaljnije informacije o mogućnostima ulaganja u BiH. Naime, Vlada Japana na čelu s premijerom g. Abeom pokrenula je inicijativu za uspostavljanje i širenje privredne suradnje s regijom zapadnog Balkana na način da se podrže japanske kompanije da ulažu u ovu regiju, što uključuje i BiH. Direktor FIPA-e Gordan Milinić upoznao je g. Egishija o nadležnostima Agencija na polju promocije i privlačenja stranih investicija, radu na polju pronalaska investitora i pružanja podrške u realizaciji investicija u BiH, postojećih 8.000 kontakta potencijalnih investitora, 500 investicionih projekata i 300 lokacija za investiranje. Pružene su informacije i o sektorima za ulaganje, statusu stranog investitora u BiH, te poticajima za strane ulagače.

Također je istaknuo da je u oktobru 2016. godine, FIPA i VTK, u suradnji s Japanskom vanjsko-trgovinskom organizacijom (JETRO) iz Beča i Ambasdom Japana u Bosni i Hercegovini organizirale posjetu japanske poslovne delegacije Bosni i Hercegovini, koju su činili predstavnici 13 japanskih kompanija. Ostvareni su kontakti s lokalnim privrednicima, međutim do značajnije suradnje nije došlo.

Nakon što prikupe sve potrebne informacije o mogućnostima ulaganja na Balkanu u okviru spomenute studije, 15.februara 2019. godine u Tokiju će se održati seminar o mogućnostima ulaganja u BiH za 150 japanskih kompanija, na kojem će prisustvovati predstavnici Ambasade BiH, te predstavnik FIPA-e u Tokiju. Očekuje se da će navedeno istraživanje dovesti do konkretizacije investicija neke od japanskih kompanija u BiH.



NOVOIMENOVANI AMBASADOR POLJSKE U BIH POSJETIO FIPA-U



Novoimenovani ambasador Poljske u BiH Nj.E. Jaroslaw Lindenberg posjetio je Agenciju za unapređenje stranih investicija BiH (FIPA) kako bi se upoznao s radom Agencije, te ekonomskom suradnjom između dvije zemlje na polju investicija i trgovinske razmjene. Direktor Gordan Milinić upoznao je ambasadora s nadležnostima FIPA-e, aktivnostima na polju promocije zemlje, suradnji sa stranim investitorima, te ekonomskom suradnjom između dvije zemlje i poljskim investicijama u BiH. Ukupna direktna strana ulaganja iz Poljske u BiH, zaključno s 31. decembrom 2017. godine, prema podacima Centralne banke BiH, iznosila su 22,9 miliona KM, što predstavlja učešće od 0.17% u ukupnom prilivu stranih ulaganja u BiH. Prema preliminarnim podacima Centralne banke BiH, za devet mjeseci 2018. godine iz Poljske su registrirana ulaganja u visini od 5.9 miliona KM. Najznačajnije poljske kompanije u BiH su : Inter Cars doo Sarajevo, Prima ISG d.o.o. Gradiška, Organika BH doo Sarajevo, Aliplast Aluminium Systems d.o.o. Konjic, Poliolchem d.o.o Tuzla. Dodatno, ambasador je upoznat s bazom projekata FIPA-e koja sadrži investicione projekte iz različitih privrednih sektora poput turizma, drvnog sektora, metalnog sektora, energetskog, itd, podršci koju Agencija pruža investitorima u BiH od registracije firme do okončanja projekta, te podršci na uklanjanju eventualnih administrativnih prepreka koje koče širenje investicija u BiH. S obzirom da je više poljskih kompanija najavilo investicije u BiH u 2019, poput kompanija Mlekovita, Lubianiec Piechocki and Partnerzy, Re Alloys Sp.z.o.o., Pol-mot, Multico, dogovoreno je da ambasador Lindenberg u suradnji s Privrednom komorom Poljske provjeri u kojoj su fazi odluke o investiranju u BiH, a FIPA će se uključiti u podršku realizacije investicija.

Također, ambasador će informirati FIPA-u o svim važnijim privrednim manifestacijama koje se održavaju u Poljskoj, a koje bi mogle biti značajne za promociju Bosne i Hercegovine i njenih projekata za investiranje.

FIPA POSLOVNE VIJESTI ≡



CONFINDUSTRIA CONNEXT - PRVI SUSRETI INDUSTRIJSKOG PARTNERSTVA,
MILANO 7-8 FEBRUAR




RASPISAN JAVNI POZIV ZA DODELU KONCESIJE ZA VJETROPARK "GREBAK" ≡





CONFINDUSTRIA CONNEXT - PRVI SUSRETI INDUSTRIJSKOG PARTNERSTVA, MILANO



U Milanu, Italija, 7. i 8. februara 2019. godine, će se održati Confindustria CONNEXT - prvi nacionalni događaj industrijskog partnerstva.

Radi se o događaju čiji je cilj promocija znanja među kompanijama i okupljanje različitih proizvodnih kompanija, kako bi se potaknula suradnja i stvaranje poslovnih prilika.

Tematska područja Confindustria CONNEXT događaja su:

- Inteligentna tvornica (robotika i umjetna inteligencija, napredna automatizacija, 3D ispis itd.)
- Razvoj gradskih područja (urbana regeneracija, distribucija energije, usluge zaštite okoliša, itd.)
- Održivi razvoj (logistika, infrastruktura, rekultivacija i reindustrijalizacija, turizam i unaprjeđenje kulturne baštine, itd.)
- Čovjek u središtu napretka (zdravlje i wellness, korporativna dobrobit, obuka, prehrana, moda i dizajn, itd.)
- Made in Italy - posvećena sektoru hrane, pića, mode i dodacima.

Više informacija o navedenom događaju možete pronaći u prezentacijskoj brošuri, kao i na oficijelnoj web stranici: www.connext.confindustria.it



ZA DEVET MJESECI 668,6 MILIONA KM STRANIH INVESTICIJA U BIH



Prema upravo objavljenim preliminarnim podacima Centralne banke BiH, direktna strana ulaganja za devet mjeseci 2018. godine iznose 668,6 miliona KM (341,9 miliona eura), čime je dostignut i neznatno prebačen iznos iz istog perioda 2017.godine (povećanje za 0,1%), ali i održan trend porasta u odnosu na petogodišnji prosjek stranih investicija (povećanje za 21,6%). Najveći iznosi investicija u prošloj godini dolaze iz Švajcarske, Austrije, Turske, Velike Britanije, Ujedinjenih Arapskih Emirata, Kuvajta i Ruske Federacije. Direktor Agencije za unapređenje stranih ulaganja BiH (FIPA) Gordana Milinić naglašava da je ovo, s obzirom na izbornu godinu i nestabilnu političku situaciju koja je bila dominantna i nezaobilazna tema u svim razgovorima s potencijalnim stranim investitorima, izuzetno dobar rezultat, koji potvrđuje da je Bosna i Hercegovina, bez obzira na sve probleme i poteškoće, zemlja privlačna za strane investitore. Potrebno je još malo napora od svih institucija, počev od općinskog preko kantonalnog i entitetskog nivoa pa do državnih organa, da strane investicije dostignu željeni nivo i budu zamajac ekonomskog rasta u BiH. Tu se naročito misli na provođenje propagandne akcije „Invest in BiH“ i na širenje prakse podsticaja za strane investitore na svim nivoima po ugledu na susjedne države. S ovim devetomjesečnim iznosom iz prošle godine, ukupan iznos dosadašnjih stranih investicija u BiH je prešao 14 milijardi konvertibilnih maraka, te je u okviru grupe zemalja jugoistočne Europe, Bosna i Hercegovina prema ukupno registriranom stanju direktnih stranih investicija rangirana na drugo mjesto, iza Republike Srbije. Ovim se nastavlja trend povećanja direktnih stranih investicija u BiH, koji se bilježi u posljednje dvije godine. U 2017.g. registrirano je 778 miliona KM stranih ulaganja, što je za oko 40% više u odnosu na 2016 godinu. Rast investicija je rezultat rada nadležnih institucija na kreiranju boljih uvjeta za ulaganje, na pronalasku novih investitora za BiH, te na sprovođenju potrebnih reformi i jačanja konkurentnosti zemlje kako za domaće tako i za strane investitore, mnogo bržim tempom nego što je to do sada bio slučaj. Rast ekonomskih indikatora u zemlji, što podrazumijeva otvaranje novih radnih mjesta za bh. građane, dodatno nas obavezuje da radimo uspješnije na sprovođenju potrebnih ekonomskih reformi koje će privući nove investitore i kreirati nova radna mjesta.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Dubrovačka 6.
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54.
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA